

MÁIS NADAL NA PRAZA ROXA





MÁIS NADAL NA CARPA ROXA



Con ganas de máis? A programación na Carpa Roxa non para. Enchemos as fins de semana e as vacacións escolares con actividades para todos os públicos. Obradoiros, espectáculos e cinema. Todo podo ser posible na Carpa da praza Roxa.

COLECTIVO FLOW... ESPECIAL NADAL

Algunha vez pensaches en que pensa un lagostino cando se achega a noite de Nadal? Estará nervioso, asustado...? E o caganer? Comerá cirolas a noite antes para estar á altura?

O Colectivo do Flow, no seu especial de impro de Nadal, non esquece os pequenos detalles e quere darlle voz a alimentos, adornos e figuriñas para que contén, con voz propia, cómo é formar parte dunha festa universal non sendo máis que decorado.

>> 5 de decembro ás 18.00 h

>> 27 de decembro ás 18.00 h

CARPA CON MAXIA

O Nadal é maxia, e aínda máis da man de Dani Polo e do Mago Rafa. Dous espectáculos para público familiar:

>> 6 de decembro ás 18.00 h: Dani Polo

>> 14 de decembro ás 12.00 h: Mago Rafa

MONICREQUES CON BABALUVA

Compañía compostelá que leva dende 2008 facendo teatro de monicreques para a cativada e presenta dúas novas propostas:

>> 30 decembro ás 12.00 h: Tita
Esta proposta amósanos a dificultade de xestionar as nosas emocións co obxectivo de enfrontalas cara a cara para gozar de harmonía emocional.

>> 31 decembro ás 12.00 h: Lume
Dúas titiriteiras recrean un bosque e os seus animais para contar esta historia de sensibilización medioambiental.

MÚSICA... CATIVADA!

Dúas propostas musicais para a cativada e as súas familias amenizarán dúas xornadas musicais na Carpa Roxa.

JINGLE JAZZ

Suzukiños presentan Músicas do Nadal de todas partes do mundo para vivir a época máis máxica do ano. Lucas, lazos e un chisco de jazz... Acompañados pola súa banda, o grupo Suzukiños envolve o público cos temas favoritos e máis coñecidos do Nadal.

>> 21 de decembro ás 12.00 h

CONCERTO ESPECIAL DE NADAL

Broken Peach interpretará as súas versións máis coñecidas do Nadal. O





grupo vigués aterra en Compostela para encher a Carpa Roxa de moita música e non deixarán indeferente o público.

>> 23 de decembro ás 18.00 h

OBRADOIROS DE CREACIÓNS DE NADAL

Deseñar os adornos máis persoais para a decoración do Nadal, escribir cartas ao Apalpador, ou fabricar monicreques. Na Carpa Roxa hai propostas para todos os gustos!

>> 7 decembro de 12.00 a 13.30 h:

Creación de monicreque

15 crianzas con acompañamento dunha persoa adulta crearán un monicreque a partir de obxectos cotiáns.

>> 8 decembro a partir das 12.00 h:

Adornos de Nadal

Da man do Faiado de Nim, as familias poderán crear adornos de Nadal segundo vaian chegando á carpa ata a fin de existencias.

>> 22 decembro ás 12.00 h: Cartas ao

Apalpador

Coa axuda de Séchu Sende escribiremos as mellores cartas e desexos para o Apalpador ao mesmo tempo que descubrimos máis sobre esta personaxe de Nadal.

>> 23 decembro ás 12.00 h: Creación de adornos de Nadal

Grazas á Semente, 20 crianzas poderán crear os seus propios adornos.

>> 24 decembro a partir das 12.00 h:

Variñas de estrelas

O Faiado de Nim axudaranos a crear as mellores varas de estrelas de 8 puntas para repartir os mellores desexos nestas

datas. As familias poderán achegarse á carpa ata fin de existencias.

BAILA E DANZA CON ARTUR PUGA

Cunha experiencia de máis dunha década como docente, intérprete e director, Artur Puga dedicará dúas xornadas a ensinar os nosos bailes dun xeito vivo e participativo.

>> 20 de decembro ás 18.00 h

Obadoiro de Baile tradicional e foliada cos Enxebres de San Lázaro.

>> 2 de xaneiro ás 18.00 h

Obradoiro de Danzas de Reis.

LUCES, CURTAS... NADAL

Programación de curtas de Nadal. Unha escolla de curtametraxes para público infantil e outra de curtas galegas proxectaranse nunha pantalla de cinema. Poderase entrar, sair, ver unha, ver todas... collede asento e gozade do cinema no Nadal.

>> 22 de decembro de 18.00 a 20.00 h Curtametraxes infantis

Curtametraxes cargadas de aventuras sorprendentes, emocións e moita, moita neve! Para estes días de finais de ano nos que aproveitamos para parar e apreciar o valor da familia e os seres queridos.

—*Operación Papá Noel* (Opération Père Noël), Marc Robinet, Francia, 28', 2021
William, de 10 anos, vive nunha enorme mansión cos seus pais millonarios, case sempre ausentes. Acostumado a telo todo, pide un agasallo moi particular para este Nadal: ao propio Papá Noel en persoa.





—A zorra (Belchonok i sanki), Olesya Shchukina, Rusia, 2016, 4'19" sen diálogos.

Un día de inverno, mentres a súa nai está fóra, un esquíu inqueda e curioso fará un descubrimento do máis emocionante.

—*Aurora boreal* (Au pays de l'aurore boréale), Caroline Attia, Francia, 15', 2019

Colin vive no Polo Norte co seu avó Karl. Durante a época de cazar narvais, o avó parte coa súa casa zorra e deixa a Colin ao cargo da súa tía. Pero un malentendido de última hora, fará que Colin se vexa arrastrado pola aventura e acabe vivindo unha viaxe transformadora.

—*Merry Grandmas!*, Natalia Mirzoyan, Rusia, 2019, 8'07"

Masha quere ir á festa de Noitevella cos seus pais, pero deciden deixala coa súa avoa. A cativa pasará a noite rodeada de señoras maiores, moito máis marchosas e enérxicas do que esperaba.

>> 29 de decembro de 18.00 a 20.00 h Curtametraxes galegas

—*Pura* (25min) Carmen Méndez

Unha muller volve á casa para lembrar(se) e recoñecerse. Colle unha cámara e filma por primeira vez. O retrato da súa nai e da súa avoa é tamén o seu propio retrato. Grazas a elas reconcíliase co lugar e os recordos.

—*Alboroque* (14min) Dir. Sabrina Fernández

Brigadas activistas organizan unha resistencia ecolóxica contra as plantas invasoras e a maleza descoidada que

rodea as aldeas en Galicia. As limas que utilizan para afiar as súas motoserras proceden dunha fábrica de metal de Suíza. A través destes dous territorios desenvólvese unha narrativa inesperada, moldeada pola migración e o activismo ecolóxico, que entrelaza o persoal co político.

—*Platónico Platónica* (9min) Dir. Xacio Balo

Que é o amor? Como o imaxina unha intelixencia artificial? Ante unha cuestión plenamente contemporánea, Xacio Baño constrúe un ensaio visual sobre a semiótica da imaxe.

—*Sandwich cat* (10min) Dir. David Fidalgo Omil

Un día calquera. David está tirado no sofá vendo a súa serie favorita: unha fantasía cristiá, mentres Sandwich Cat fai das súas. David vai ao baño... e comezan a ocorrer cousas estrañas, tremores e apagamentos. Ao saír, unha intensa luz cóbreo todo e cae ao chan desmaiado. Esperta cos lambidos de Sandwich Cat. Levántase e senta no sofá, aínda un pouco apavado, mentres escoita unha voz estraña. Dáse conta de que é o gato quen lle fala. Entre a incerteza e estupefacción de David, Sandwich Cat explícase: Es un extraterrestre que intercambiou a mente coa do seu gato. Pasará un día con David e, segundo o que observe e escoite, decidirá se destrúe ou non a especie humana. David, como non podía ser doutra maneira, alucina!

